

आकाशवाणी

खबरां -

1. गृह मंत्री अमित शाह होरें पहलगाम आतंकी हमले मगरा सिंधु जल समझौते गी रद्द करने बारै बैठक दी अध्यक्षता कीती।
2. सेना प्रमुख जनरल उपेंद्र द्विवेदी होरें पहलगाम आतंकी हमले गी ध्यान च रखदे होई सुरक्षा स्थिति दी समीक्षा कीती। जम्मू-कश्मीर दे उपराज्यपाल मनोज सिन्हा होरें आखेआ जे पहलगाम आतंकी हमले दे अपराधियें दे समर्थकें गी बखशेया नेई जाना चाहिदा।
3. विदेश मंत्रालय नै नमीं दिल्ली च अमरीका इस्राइल ते स्पेन दे राजदूतें गी पहलगाम आतंकी हमलें दी जानकारी दिती।
4. ब्रिटेन दे प्रधानमंत्री स्टारमर ते नीदरलैंड दे प्रधानमंत्री होरें पहलगाम आतंकी हमले दी निंदा कीती।
5. वक्फ संशोधन कनून दा उद्देश्य अतिक्रमण रोकना, पारदर्शिता सुनिश्चित करना ऐ, केंद्र नै सुप्रीम कोर्ट च आखेआ।
6. इसरो दे साबका चेयरमैन डॉ. के कस्तूरीरंजन हुंदा 84एं बरें दी बरेसू च काल होई गेआ ऐ।

<><><><><><>

केंद्री गृह मंत्री अमित शाह होरें अज्ज नमीं दिल्ली च अपने निवास पर पाकिस्तान कन्नै 1960 दे सिंधु जल समझौते दे सरबंधै च बैठक लाई। पहलगाम आतंकी हमले गी ध्यान च रखदे होई भारत नै सिंधु जल संघ गी रद्द करी दित्ता हा। बैठक च विदेश मंत्री एस. जयशंकर, केंद्री जल शक्ति मंत्री सी.आर पाटिल ते सीनियर सरकारी अधिकारी शामिल होए।

<><><><><><>

LG-Army

उपराज्यपाल मनोज सिन्हा होरें सेना प्रमुख जनरल उपेंद्र द्विवेदी होरें गी नां छडा पहलगाम आतंकवादी हमले लेई जिम्मेदार लोकें खिलाफ सख्त ते कारगर गैऽ पुट्टने ते उन्दे खिलाफ कार्रवाई करने लेई आखेआ, सगुआं आखेआ जे ओहू आतंकवादी ढांचे ते आतंकवाद कन्नै जुडे दे पूरे-पराते सरिस्ते गी बी तबाह करन। चर्चा दौरान उपराज्यपाल होरें आखेआ जे हमले लेई जिम्मेदार लोकें ते उनेंगी मदद उपलब्ध करोआने आहलें दी पंछान कीती जा ते उन्दे खिलाफ कार्रवाई कीती जा। उनें आखेआ जे कायराना हमला करने आहलें गी एहदे सख्त कीमत चुकानी होग। उच्च सतह दी बैठक च मौजूदा सुरक्षा सरिस्ते ते रणनीतिएं पर चर्चा होई। एहदे च सेना दे उच्च अधिकारी जेदे च उत्तरी कमान प्रमुख सेना दे उप-प्रमुख ते 15 कोर दे जीओसी होरें हिस्सा लैता।

<><><><><><>

LG-Summons

उपराज्यपाल मनोज सिन्हा होरें जम्मू-कश्मीर विधानसभा दा 28 अप्रैल 2025 गी बड्डुलै साड्डे 10 बजे विशेष सत्र लाने दी इजाजत देई दित्ती ऐ। जम्मू-कश्मीर पुर्णगठन कनून 2019 दी दफा 18(1) तैहत एहू मंजूरी अज्ज थ्होई ऐ। एहदे तैहत विशेष कश्मीर विधानसभा दे सचिव आसेआ जारी आर्डर मौजूब सारे मिम्बरें गी सत्र च शामिल होने दा आग्रह कीता गेआ ऐ।



MEA-Envoys

विदेश मंत्रालय नै अज्ज दिल्ली, अमरीका ते स्पेन दे राजदूतें गी पहलगाम आतंकी हमले दे बारे च जानकारी दित्ती। मीडिया कन्नै गल्लबात करदे होई भारत च इस्राइल दे राजदूत स्वेन आसार होरें आखेआ जे एहू बडे संवेदनशील समां ऐ ते इस्राइल भारत कन्नै खडोते दा ऐ। उनें आखेआ जे उनें आतंकवाद दे खलाफ दपक्खिया सहयोग पर बी चर्चा कीती। स्हाडे संवाददाता नै दस्सेआ ऐ जे भारत नै आतंकी हमले दे बारे च होरनें देशें गी सूचित करने आसतै इक्क बडा कूटनीतिक अभियान शुरू कीता ऐ। विदेश मंत्रालय नै कल नमीं दिल्ली दे साउथ ब्लॉक च इस मुद्दे पर जर्मनी, जपान, पोलैंड, ब्रिटेन ते रूस दे राजदूतें गी इस बारै जानकारी दित्ती ही।



NHRC-Pahalgam

राश्ट्रीय मानवाधिकार कमिशनर नै जम्मू-कश्मीर दे पहलगाम च आतंकवादियें आसेआ बेकसूर नागरिकें दी हत्या दी निंदेआ कीती ऐ। एन.एच.आर.सी नै इक बयान च आखेआ जे समां आई गेआ ऐ जे प्रतक्ख जां अप्रतक्ख तौर पर आतंकवादी गतिविधियें च शामिल लोकें पर कार्रवाई कीती जा ते मनुक्खता दे खलाफ इस खतरे लेई उनेंगी जवाबदेह ठहराया जा। कमिशन नै मेद दस्सी जे जवाबदेही तय करने ते अपराधियें गी कटघरे च आहनने ते पीडित परौआरें गी हर लोडचदी मदाद देने आसतै गैई पुट्टियां जान।



World Leaders Pahalgam

ब्रिटेन दे प्रधानमंत्री कीर स्टारमर ते नीदरलैंड दे प्रधानमंत्री डिकस्कूफ होरें प्रधानमंत्री नरेंद्र मोदी हुंदे कन्नै पहलगाम हमले दी सख्त निंदेआ कीती ऐ। ब्रिटेन दे प्रधानमंत्री होरें श्री मोदी होरें गी फोन कीता

ते भारतीय धरती पर होए दे आतंकी हमले च बेकसूर लोकें दे मारे जाने पर झूंहगी संवेदना प्रगट कीती। नीदरलैंड दे प्रधानमंत्री होरें बी इस कायरता भरोचे दे कम्में दी निंदेआ कीती। प्रधानमंत्री मोदी होरें समर्थन ते इकजुटता दस्सने आस्तै नीदरलैंड दा धन्नवाद कीता।

<><><><><><>

French-PM Condemn

फ्रांस दे राष्ट्रपति इमैनुअल मैक्रों होरें आखेआ ऐ जे जम्मू-कश्मीर दे पहलगाम च होए दे आतंकवादी हमले गी दिखदे होई फ्रांस भारत ते ओहदे लोकें कन्नै मजबूती कन्नै खडोते दा ऐ। कल प्रधानमंत्री नरेंद्र मोदी हुंदे कन्नै गल्लबात च श्री मैक्रों होरें हमले दी सख्ती कन्नै निंदेआ कीती ते अपनी संवेदना प्रगट कीती। उनें आखेआ जे फ्रांस अपने सहयोगियें कन्नै मिलियै आतंकवाद जिसलै बी लोड़ पोग, दे खलाफ लड़ाई जारी रक्खोग।

<><><><><><>

CM-Raabita

हाल च होई दी घटनाएं दे मद्देनजर मुखमंत्री उमर अब्दुल्ला होरें मुखै दे प्रमुख शैहरै च जम्मू-कश्मीर दे बसनीकें दी सुरक्षा गी यकीनी बनाने लेई मंत्रिणं दी तैनाती दी हिदायत कीती ऐ। एह मंत्री सरबन्धी राज्य सरकारै कन्नै रलिए तालमेल बनाडन ते सब्बनें दी सुरक्षा गी यकीनी बनाने लेई मदद करडन। मुखमंत्री होरें भरोसा दोआया जे जम्मू-कश्मीर सरकार लोकें कन्नै खडोती दी ऐ ते केंद्र शासित प्रदेश दे नागरिकें दी सुरक्षा गी बाहर बी यकीनी बनाग। जम्मू-कश्मीर सरकार नै 27*7 टोल फ्री हेल्पलाइन नंबर 1800-8900-166 बी जारी कीता ऐ तां जे जम्मू-कश्मीर थमां बाहर पढा'रदे विद्यार्थियें ते लोकें दी सुरक्षा ते कल्याण गी यकीनी कीता जा।

<><><><><><>

HM-Pak National

पहलगाम आतंकवादी हमले दे मद्देनजर भारत आसेआ पाकिस्तानी नागरिकें गी जारी कीते गेदे वीजा रद्द करने दे इक दिन मगरा केंद्री गृह मंत्री अमित शाह होरें सारे मुखमंत्रिएं कन्नै गल्ल कीती ते उनेंगी अपने-अपने राज्यें च सारे पाकिस्तानी नागरिकें दी पंछान करने लेई आखेआ। सूत्रें दस्सेआ ऐ जे शाह होरें मुखमंत्रिएं गी आखेआ ऐ जे ओहू पाकिस्तानी नागरिकें दी तौले वापसी यकीनी करने लेई गैंऽ पुट्टन।

<><><><><><>

Centre-Waqf

केंद्र नै वक्फ संशोधन कनून 2025 दे बचाऽ आस्तै सुप्रीम कोर्ट च हल्फनामा दायर कीता ऐ जेदे च आखेआ गेदा ऐ जे वक्फ कनून दे दुरूपयोग गी रोकने, सरकारी संपत्तियें पर कब्जे गी रोकने ते पूरे भारत च वक्फ बोर्डें दे कम्मकाज च पारदर्शिता आहनने आस्तै कनून च संशोधन कीता गेआ ऐ। केद्र नै इस गल्ल पर जोर दित्ता जे पुरानी बवस्था दे तैहत सरकारी ते निजी संपत्ति गी गलत तरीके कन्नै वक्फ संपत्ति घोषित कीता गेआ हा। मुख न्याधीश संजीव खन्ना हुंदी अगुवाई आहला बैच 5 मई गी मामले दी अगली सुनवाई करोग।

<><><><><><>

VP Vice Chancellor

उपराश्ट्रपति जगदीप धनखड होरें आखेआ जे भारत इक मजबूत अर्थ बवस्था, बुनियादी ढांचे ते वैश्विक सम्मान कन्नै अगगे बधा रदा ऐ ते इन्नै अज्ज दे युवाएं गी भविक्ख दे नेता बनने आस्तै ते अपने आपै गी विकसित करने आस्तै केई सींावनां दित्तियां न। अज्ज उटी च राजभवन दे 2 दिन दे कुलपति सम्मेलन च अपना भाषण दिंदे होई उपराश्ट्रपति होरें आखेआ जे विकसित राश्ट्र दे रस्ते पर अगगे बधने आस्तै विज्ञान, अनुसंधान विकास लाजमी ऐ। उनें उद्योगें, निगमें ते होनें संस्थानें गी अपील कीती जे अपने संस्थानें च अनुसंधान गी बढ़ावा देन।

<><><><><><>

Isro-Chairman

इसरो दे साबका चेयरमैन ते भारत दी राश्ट्रीय शिक्षा नीति दे प्रमुख निमति डॉ. के कस्तूरीरंज दा अज्ज बड्डुलै बैंगलुरू च उन्दे घरै च काल होई गेआ। ओहू 84 बरें दे हे। इसरो दे चेयरमैन दे रूप च डॉ. कस्तूरीरंजन होरें पोलर सेटलाइट लांच व्हीकल दे विकास च महत्वपूर्ण भूमिका निभाई जेड़ी भारत दा सब्बनें थमां भरोसे आहला उपग्रह प्रक्षेपक बनी गेआ।

<><><><><><>

PM-ISRO

प्रधानमंत्री नरेंद्र मोदी होरें भारत विज्ञान ते शिक्षा दे खेत्तर च मन्त्री-परमन्त्री दी शख्सियत डॉ. के कस्तूरीरंजन हुंदी मौत पर दुख प्रगट कीता ऐ। इक सोशल मीडिया पोस्ट च श्री मोदी होरें आखेआ जे उन्दे दूरदर्शी नेतृत्व ते राश्ट्र दे प्रति उन्दे निस्वार्थ योगदान आस्तै म्हेशां चेत्ता कीता जाग। प्रधानमंत्री होरें आखेआ जे डॉ. कस्तूरीरंजन होरें इसरो च बड़े परिश्रम कन्नै कम्म कीता।

<><><><><><>

J&K Rahul Gandhi

विपक्ष दे लीडर ते सीनियर कांग्रेस लीडर राहुल गांधी होरें पहलगाम च होए दे आतंकी हमले मगरा केंद्र सरकार आसेआ पाकिस्तान दे खलाफ चुक्कियें गेदियें गैईं दा समर्थन कीता ऐ। हमले च 26 जनें दी मौत होई गेई ही। इस थमां पैहले श्री गांधी होरें जम्मू-कश्मीर दे उपराज्यपाल मनोज सिन्हा ते मुखमंत्री उमर अब्दुल्ला हुंदे कन्नै मलाटी कीती ते आतंकी ढांचे गी खत्म करने आस्तै सरकार गी हर लोडचदी मदाद दा भरोसा दित्ता। उनें पहलगाम हमले च घायल होए दे लोकें कन्नै मलाटी कीती ते उंदा हाल-चाल बी पुच्छेआ।

<><><><><><>

Terrorist Association Killed

कश्मीर घाटी दे बांडीपोरा जिले च अजस दे बाजीपोरा इलाके च जारी आतंकवाद रोधी अभियान च लश्कर-ए-तैयबा संगठन दे सदस्य अल्ताफ लाली दे रूपै च पंछान कीते गेदे इक्क आतंकवादी सहयोगी गी मारी मकाया गेआ ऐ। विशेष खुफिया सूचनाएं दे परैंत फौज ते जम्मू-कश्मीर पुलस दी सांझी टीमें आसेआ बड्डलै शा पैहले घेराबंदी ते तपाशी अभियान शुरू कीते जाने दे परैंत एहू शुरू होआ। जियांगै सुरक्षा बल संदिग्ध थाहरै दे कोल पुज्जे, आतंकवादियें गोलीबारी शुरू करी दिती, जेदे परैंत जबरदस्त टाकरा शुरू होई गेआ। घने जंगली खेत्तर च अभियान जारी ऐ ते सुरक्षाबलें सख्त घेराबंदी कीती दी ऐ। होर ब्यौरे दा इंतजार ऐ।

<><><><><><>

MoS-Ayush

आयुष राज्यमंत्री प्रतावराव जाधव होरें अज्ज आखेआ ऐ जे भारत इलाज ते चिकित्सा सैलसफा च सब्बनें थमां मती पसंद आहली थाहरें चा इक दे तौर पर उभरेआ ऐ। मेडिकल वैल्यू ट्रैवल सम्मेलन ते पुरस्कार समारोह गी नमीं दिल्ली च संबोधित करदे होई श्री जाधव होरें आखेआ जे भारत दा मकसद नांऽ छड़ा विरासत जां अध्यात्मक च अब्बल होना ऐ, सगुआं मेडिकल सैलसफा च बी नेतृत्व करना ऐ। उनें आखेआ जे भारत ऐसे मोड़ पर ऐ जित्थे भारत गी किफायती ते भरोसेमंद केंद्र दे रूप च दिक्खेआ जा करदा ऐ। उनें आखेआ जे एहू भारत दी उत्कृष्ट चिकित्सा शक्ति ते वैश्विक पुज्जत गी प्रदर्शित करदा ऐ।

<><><><><><>

US-Russian

राश्ट्रपति डोनाल्ड ट्रम्प होरें हाल च गै रूस आसेआ यूक्रेन दे कीव च कीते गेदे मिसाइल हमलें पर बेसंदोखी प्रगट कीती ऐ जेदे करी 12 लोकें दी मौत ते 90 लोक घायल होई गे हे। ट्रम्प होरें रूस दे

राश्ट्रपति व्लादिमीर पुतिन होरें गी हमले रोकने गी आख्ेआ ऐ असें जे उनें रूस दे खलाफ तुरत कोई कार्रवाई करने दा कोई संकेत नेई दित्ता ऐ। अमरीकी राश्ट्रपति होरें जोर दित्ता जे ओहू दौनें धड़ें गी लड़ाई रोकने दा दबाऽ बना करदे ना। तोआई, ट्रम्प हुंदे विशेष दूत स्टीव विकट्काॅफ अस्म मास्को च राश्ट्रपति पुतिन हुंदे कन्नै मलाटी करंगना।

<><><><><><>